

四庫全書

集部

欽定四庫全書

集部

文選補遺卷三十二

詳校官中書

臣丁榮祚

助教

臣

常循覆勘

總校官中書

臣朱

銓

校對官監丞

臣張曾炳

謄錄監生

臣史殿榮

欽定四庫全書

文選補遺卷三十二

元 陳仁子 輯

賦

顯志賦

馮衍

本傳衍字敬通京兆杜陵人疆理九野經營五山眇然有思陵雲之意乃作賦

開歲發春兮百卉含英甲子之朝兮汨吾西征發伋新

豐兮裴回鎬京陵飛廉而太息兮登平陽而懷傷

飛廉觀名

武帝元封二年立於長安  
上有銅飛廉因以名焉

悲時俗之險阨兮哀好惡之

無常棄衡石而意量兮隨風波而飛揚紛綸流於權利

兮親雷同而妬異獨耿介而慕古兮豈時人之所憚沮

先聖之成論兮懸名賢之高風忽道德之珍麗兮務富

貴之樂耽

沮敗也懸陵也耽亦樂也言時人之行如此

遵大路而裴回兮履

孔德之窈冥固衆夫之所眩兮孰能觀於無形行勁直

以離尤兮羌前人之所有內自省而不慙兮遂定志而

弗改欣吾黨之唐虞兮愍吾生之愁勤聊發憤而揚情

兮將以蕩夫憂心

傷已不逢堯舜也蕩散也

往者不可攀援兮來者

不可與期病沒世之不稱兮願橫逝而無由陟雍時而

消搖兮超略陽而不反念人生之不再兮悲六親之日

遠

雍縣名屬右扶風故城在今岐州雍縣南時者山也史記秦并天下祠雍四時漢加黑帝謂之五時略陽

縣名屬天水郡今隴州隴城縣也

陟九峻而臨窆

才結反

薛

五結反

兮聽涇

渭之波聲

薨薛山一名嵯峨在今三原縣北

顧鴻門而歔歔兮哀吾孤

之早零何天命之不純兮信吾罪之所生傷誠善之無

辜兮齎此恨而入冥嗟我思之不遠兮豈敗事之可悔

雖九死而不眠兮恐餘殃之有再淚沈瀾而雨集兮氣  
滂濤而雲披心怫鬱而紆結兮意沈抑而內悲瞰太行  
之嵯峨兮觀壺口之崢嶸悼丘墓之蕪穢兮恨昭穆之  
不榮歲忽忽而日邁兮壽冉冉其不與恥功業之無成  
兮赴原野而窮處昔伊尹之干湯兮七十說而乃信臯  
陶釣於雷澤兮賴虞舜而後親無二士之遭遇兮抱忠貞  
而莫達率妻子而耕耘兮委厥美而不伐

伊尹名摯負  
鼎俎以干湯

七十說而乃信謂年七十說湯乃得信也皇甫謐帝王  
記曰伊摯豐下瓮上色黑而短偻身而下聲言七十而

不過湯聞其賢設朝禮而見之摯乃說湯致於王道信  
音申呂氏春秋舜陶於河濱漁於雷澤今言皋陶未詳

雷澤在今濮州雷澤縣

韓盧抑而不縱兮騏驥絆而不試獨慷慨

而遠覽兮非庸庸之所識

戰國策韓盧天下之壯犬也

卑衛賜之阜

貨兮高顏回之所慕重祖考之洪烈兮故收功於此路

卑賤也阜積也衍賤子貢貨殖慕顏回樂道所以不從流俗專心貞固者以其祖考功業隆大若苟求富貴恐

致點辱故於此路收功也

循四時之代謝兮分五土之刑德相林麓

之所產兮嘗水泉之所殖修神農之本業兮採軒轅之

奇策追周棄之遺教兮軼范蠡之絕迹

周禮五土一曰山林二曰川瀆

欽定四庫全書

文選補遺  
卷三十二

三

三曰丘陵四曰墳衍五曰原隰家語曰地東西為緯南北為經山為積德川為積刑周書神農之時天雨粟神農耕而種之軒轅黃帝也大戴禮黃帝時播種百穀草木節用水火財物人得其利周棄帝嚳之子為兒之時其游戲好種樹麻菽及成人遂好耕農相地之宜人皆法則之帝堯聞之舉棄為農師天下得其利故言遺教軼過也范蠡南陽人事越王勾踐苦身戮力竟滅吳報恥既而以為大名之下難以久居乃與其私屬乘舟浮海以行變姓名適齊為鴟夷子皮陟隴山以喻望兮眇之陶為朱公終身不返是絕迹也

然覽於八荒風波飄其並興兮情惆悵而增傷覽河華

之決

烏朗反

漭莽

兮望秦晉之故國憤馮亭之不遂兮愠

去疾之遭惑

馮亭以上黨降趙秦破趙於長平而亭死故言不遂愠怨也馮去疾為秦丞相胡亥



元年用趙高計始皇大臣咸見誅戮無遺脫者  
是遭惑也亭及去疾皆馮之先故速懷憤怨也流山岳

而周覽兮徇碣石與洞庭浮江河而入海兮泝淮濟而

上征瞻燕齊之舊居兮歷宋楚之名都哀羣后之不祀

兮痛列國之為墟馳中夏而升降兮路紆軫而多艱講

聖哲之通論兮心悞憶而紛紜惟天路之同軌兮或帝

王之異政堯舜煥其蕩蕩兮禹承平而革命并日夜而

幽思兮終怵它乎憚它而洞疑高陽願其超遠兮世

孰可與論茲楚詞云心怵憚而懷惑廣蒼云怵憚禍福未定也高陽帝顓頊之號也洞亦不定也

欽定四庫全書

文選卷三十二

史記虛 惕洞疑 訊夏啓於甘澤兮傷帝典之始傾頌成康之載

德兮詠南風之歌聲

訊問也啓禹子也尚書曰啓與有危戰于甘之野在今鄆縣啓既德

薄同姓相攻故傷帝典之傾也

思唐虞之晏晏兮揖稷契與為朋苗裔

紛其條暢兮至湯武而勃興昔三后之純粹兮每季世

而窮禍弔夏桀於南巢兮哭殷紂於牧野

三后夏殷周也湯放桀於

南巢武王滅紂於牧野

詔伊尹於亳郊兮享呂望於鄆洲功與日

月齊光兮名與三王爭流

詔召也亳湯都在京兆杜陵亭呂望周太師翼周滅殷者

也鄆文王所都水中可居曰洲也

楊朱號乎衢路兮墨子泣乎白絲知

漸染之易性兮怨造作之弗思

淮南子楊子見遠路而哭之為其可以南可以

北傷其本同而末異墨子曰墨子見染絲歎曰染於美蒼則蒼染於黃則黃五入之為五色故染不可不慎美

關雎之識微兮愍王道之將崩拔周唐之盛德兮据桓

文之譎功忿戰國之遘禍兮憎權臣之擅彊黜楚子於

南郢兮執趙武於渙

反古覓

梁

孔子修春秋以蠻夷大者不過子故皆黜曰子又春

秋稱公會晉宋衛鄭曹莒邾薛杞于渙梁戊寅大夫盟公羊傳晉卿趙文子也時晉為盟主文子晉之正卿而為不臣之行故欲執之也渙水名在河內善忠信之救

軹縣東南至溫入河爾雅梁莫大於渙梁

時兮惡詐謀之妄作聘申叔於陳蔡兮禽荀息於虞虢

欽定四庫全書

文選卷三十二

申叔楚莊王時賢臣申叔時者也左傳陳夏徵舒弑靈公楚莊王伐陳殺夏徵舒因滅陳為縣申叔時諫莊王曰夏徵舒弑其君其罪大矣討而戮之君之義也諸侯之從曰討有罪也今縣陳貪其富也以討名諸侯而以貪終之無乃不可乎王曰善哉乃復封陳聘謂問之也時惟在陳而兼言蔡者蓋以陳蔡相近因連言之也荀息大夫左傳晉荀息請以屈產之乘垂棘之璧假道於虞以伐虢公曰是吾寶也對曰若得道於虞猶外府也乃假道於虞以滅虢師還遂襲虞滅之誅犂鉏之介聖兮討臧倉之愬知

嬖仕春反

子反於彭城兮爵管仲於夷儀

犂鉏齊大夫介猶間也韓子曰

仲尼為政於魯道不拾遺齊景公患之犂鉏曰去仲尼猶吹毛耳君何不遺魯公以女樂以驕其意魯君樂之必怠於政仲尼必諫諫而不聽必輕絕魯景公曰善乃令犂鉏以女樂遺魯哀公樂之公怠於政仲尼諫不聽

遂去之孟子曰魯平公將出嬖人臧倉請公曰吾將見孟子倉曰君何為禮義由賢者出孟子後喪踰前喪君無見焉公曰諾孟子曰吾之遇魯侯天也臧氏之子焉能使我余不遇慙猶譖也知謂明於事也子反楚大夫也名側案嬖仕眷反勉也東觀記作譖字此雖作嬖蓋亦譏刺之意也春秋經書宋楚平公羊傳何休註云譖子反華元專盟不受君命故貶之然則彭城宋之邑故舉以言之左傳宋大夫魚石等出奔楚楚伐宋取彭城以封魚石宋人圍彭城楚子重救彭城伐宋此言子反蓋衍誤也如曰不然或別有所據管仲齊桓公之相名夷吾夷儀邢邑也翟人滅邢管仲輔齊桓公築夷儀以封邢邢遷如歸於是天下諸侯知桓公之不為已動

疾兵革之寢滋兮苦攻伐之萌生沈孫武於五湖兮斬

白起於長平

寢漸也孫武吳王闔廬將也善用兵史記白起郿人也事秦昭王以上將軍擊趙於

長平前後阮斬首虜四十萬長平地名在今澤州

惡叢巧之亂世兮毒縱橫之

之敗俗流蘇秦於洹水兮幽張儀於鬼谷

蘇秦洛陽人師事鬼谷先

生為從說闕東六國為從親以畔秦會於洹水之上刻白馬而盟張儀魏人也與蘇秦同師為闕西橫說說闕

東六國令事秦皆尚誣詐不遵道德洹水出汲郡林慮縣鬼谷谷名即鬼谷先生所居地在今洛州洛陽城北

澄德化之陵遲兮烈刑罰之峭峻燔商鞅之法術兮燒

韓非之說論

商鞅姓公孫氏好刑名之學事秦孝公變法令韓非韓之諸公子也亦好刑名法術

之學口吃不能言著書作孤憤五蠹內外儲說難十餘萬言皆尚法術少仁恩見史記

誚始皇之

跋扈兮投李斯於四裔滅先王之法則兮禍寢淫而弘

大援前聖以制中兮矯二主之驕奢  
饁女齊於絳臺兮

饗椒舉於章華

女齊晉大夫司馬侯也絳晉國所都國語晉平公為九層之臺又曰叔向見司

馬侯之子撫而泣曰自其父之死吾蔑與事君矣昔者其父始之我終之我始之夫子終之無不可者是女齊事君必有規諫必諫作臺但書典散亡無以言耳椒舉楚大夫伍舉也饗宴也章華臺名在南郡華容縣楚語曰靈王為章華之臺與椒舉升王曰臺美乎對曰臣聞國君服寵以為美安民以為樂不聞其以土木之崇高為美今君為此臺國人疲擣道德之光耀兮匡衰世之焉財用盡焉臣不知其美  
眇風褻宋襄於泓谷兮表季札於延陵  
搗布也眇微也公羊傳宋公及楚戰于泓之陽不鼓不成列已陳然後擊之宋師大敗季札吳王壽夢之少子也封於延陵昆弟四人札最少

而賢壽夢卒諸兄欲立之  
札棄其室而耕乃舍之

撫仁智之英華兮激亂國之

末流觀鄭僑於漆洧兮訪晏嬰於營丘

撫拾也鄭僑鄭大夫公孫僑也

漆洧鄭二水名鄭詩曰漆與洧瀏其清矣晏嬰齊大夫也晏平仲爾雅水出其左曰營丘齊有營丘周衰政亂子產晏嬰皆有賢行輔其君也事見左傳國語日曠曠其將暮兮獨於邑而煩

惑夫何九州之博大兮迷不知路之南北駟素虬而馳

騁兮乘翠雲而相伴就伯夷而折中兮得務光而愈明

列仙傳曰務光者夏時人也殷湯伐桀因光而謀光曰非吾事也至殷武丁時武丁欲以為相光不就遂投於

梁山行退不仕與務光辭相伴事相得故曰愈明愈猶益也

款子高於中野兮遇伯



成而定慮欽真人之德美兮淹躊躇而弗去

莊子曰伯成子高唐

虞時為諸侯至禹為天子乃去而耕真人即謂子高躊躇猶躊躇也東觀記高字仲喬謂仙人王子儁也義亦

通意斟慙

市林反

而不澹兮俟回風而容與求善卷之所

存兮遇許由於負黍輟吾車於箕陽兮秣吾馬於潁潁

聞至言而曉領兮還吾反乎故宇

斟慙猶遲疑也澹定也俟待也容與猶從

容也莊子舜以天下讓善卷善卷曰吾日出而作日入而息逍遙天地之間吾何以天下為哉遂入深山莫知

所終許由字武仲堯時高士隱居箕山堯以天下讓由不受惡聞其言遂洗耳於潁水負黍亭名在洛州陽

城縣西南許由墓在  
南秣謂食馬以粟

覽天地之幽奧兮統萬物之維綱

究陰陽之變化兮昭五德之精光

自此以下既反故宇乃欲尋覽天地究極

陰陽

躍青龍於滄海兮羆白虎於金山鑿巖石而為室兮

託高陽以養僊神崔翔於鴻厓兮玄武潛於嬰冥伏朱

樓而四望兮採三秀之華英

楚詞採三秀於山間王逸曰謂芝草也

纂前

修之夸節兮曜往昔之光勲披綺季之麗服兮揚屈原

之靈芬

綺季四皓之一也前漢書四皓隨太子入侍鬚眉皓白衣冠甚偉楚漢春秋曰四人冠韋冠佩

銀環衣服甚鮮故言麗服也

高吾冠之岌岌兮長吾佩之洋洋飲六

醴之清液兮食五芝之茂英

六醴蓋六氣也楚詞餐六氣而飲沆瀣茅君內傳曰

句曲山上有  
神芝五種

捷六枳而為籬兮築蕙若而為室播蘭芷  
於中廷兮列杜衡於外術攢射干雜薜蘿兮構木蘭與  
新夷光扈扈而煬燿兮紛郁郁而暢美華芳瞿其發越  
兮時恍惚而莫貴非惜身之罔軻兮憐衆美之憔悴游  
精神於大宅兮抗玄妙之常操處清靜以養志兮實吾  
心之所樂山峨峨而造天兮林冥冥而暢茂鸞回翔索  
其羣兮鹿哀鳴而求其友誦古今以散思兮覽聖賢以  
自鎮嘉孔子之知命兮大老聃之貴玄德與道其孰寶

兮名與身其孰親  
陂山谷而閒處兮  
守寂寞而存神夫  
莊周之釣魚兮辭  
卿相之顯位於陵  
子之灌園兮似至  
人之髣髴蓋隱約  
而得道兮羌窮悟  
而入術離塵垢之

窈冥兮配喬松之妙節

莊子曰莊子釣於濮水楚王使大夫二人往見焉曰願以竟內

累也莊子持竿不顧列女傳於陵子終賢楚王欲以為相使使者往迎之子終出謝使者遂與妻俱逃而為人

灌園孟子曰客居於陵故曰於陵子惟吾志之所庶兮固與俗其不同既

淑儻而高引兮願觀其從容

竹扇賦

班固

青青之竹形兆直妙華長竿紛寔翼香篠叢生於水澤

尚書禹貢篠簜既敷孔氏傳曰篠竹箭湯大竹也疾風周禮東南曰揚州其利金錫竹箭鄭氏註箭篠也

時時紛蕭颯削為扇翼成器良

世本曰大翣謂之翼託御於君王

供時有度量異好有圓方來風堪避暑靜夜致清涼安體定神達消息百王傳之賴功力壽考康寧累萬億

髑髏賦

張衡

張平子將遊目於九野觀化乎八方星回日運鳳舉龍  
驤南遊赤野北涉幽鄉西經昧谷東極扶桑於是季秋  
之辰微風起涼聊回軒駕左翔右昂步馬于疇阜逍遙  
乎陵岡顧見髑髏委於路旁下居於壤上有玄霜平子  
悵然而問之曰子將并糧推命以天逝乎本喪此土流  
遷來乎為是上智為是下愚為是女人為是丈夫於是  
肅然有靈但聞神響不見其形答曰吾宋人也姓闕名  
周遊心方外不能自修壽命終極來西玄丘公子何以

問之對曰我欲告之於五岳禱之於神祇起子素骨反  
子四支取耳北坎求目南離使東震獻足西坤授腹五  
內皆還六神盡復子欲之不乎髑髏曰公子之言殊難  
也死為休息生為役勞冬水之凝何如春冰之消榮位  
在身不亦輕於塵毛巢許所恥伯成所逃況我已化與  
道逍遙離朱不能見子野不能聽堯舜不能賞桀紂不  
能刑虎豹不能害戟劍不能傷與陰陽同其流元氣合  
其朴造化為父母天地為牀褥雷電為鼓扇日月為燈

燭雲漢為川池星宿為珠玉合體自然無情無欲澄之  
不清渾之不濁不行而至不疾而速於是言卒響絕神  
光除滅顧眄輒恤乃命僕夫假之以縞巾衾之以玄塵  
為之傷涕酌於路濱

冢賦

張衡

載輿載步地勢是親降此平土陟彼景山一升一降及  
以斯安爾乃隳巍山平險陸刊叢林鑿磐石超峻壘構



大榑高岡冠其南平原承其北列石限其壇羅竹藩其域系以脩隧洽以溝瀆曲折相連迤邐相屬乃樹靈木戎戎繁霜周旋顧眄亦各有行乃相厥宇乃立厥堂直之以繩正之以日有覺其林以構玄室奕奕將將崇橫廣宇在冬不涼在夏不暑祭祀是居神明是處亦有掖門土塞其半下有直渠上有平岸舟車之道交通舊館思淵慮深存不忘亡恢廣壇場子孫蒸嘗宅兆之形規矩之制希而望之方以麗踐而行之巧以幽廣墓既美

鬼神亦寧降之以福於以之平如春之卉如日之升

圍碁賦

馬融

字季長扶風杜陵人後漢書有傳

孟子曰奕之為數小數也趙岐注奕圍碁也博物志云丹朱善碁既不經見未足深信

略觀圍碁兮法於用兵三尺之局兮為戰鬥場陳聚士  
卒兮兩敵相當拙者無功兮弱者先亡自有中和兮請  
說其方先據四道兮保角依旁緣邊遮列兮往往相望  
離離馬首兮連連鴈行踔度閒置兮徘徊中央違閣奮

翼兮左右翱翔道狹敵衆兮情無遠行基多無筭兮如  
聚群羊駱驛自保兮先後來迎攻寬擊虛兮蹌踣內房  
利則為時兮便則為強厭於食兮壤決垣牆堤潰不塞  
兮泛濫遠長橫行陣亂兮敵心駭惶迫兼基雖兮頗棄  
其裝已下險口兮鑿置清坑窮其中郢兮如鼠入囊收  
死卒兮無使相迎當食不食兮反受其殃勝負之操兮  
操一作策於言如髮乍緩乍急兮上且未別白黑紛亂兮於  
約如葛雜亂交錯兮更相度越守規視一作不固兮為所

唐突深入貪地兮殺亡士

一作將

卒狂攘相救兮先後并

沒上下離遮兮

又離還兮

四面隔閉圍合罕散兮所對哽咽

韓信將兵兮難通易絕自陷死地兮設見權譎誘敵先

行兮往往一室損褰委食兮三將七卒馳逐爽問兮轉

相周密商度地道兮期相盤結蔓延連閣兮如火不滅

扶疏布散兮左右流溢浸淫不振兮敵人懼慄迫役踧

達的切說文云行平易也詩曰踧踧周道又子六切

踏子石切踧踏也

兮惆悵自失計功

相除兮以時早訖事留變生兮收拾欲疾營惑窘乏兮

無令詐出深念遠慮兮勝乃可必

夢賦

王延壽

臣弱冠嘗夜寢見鬼物與臣戰臣遂得東方朔與臣作  
罵鬼之書臣遂作賦一篇叙夢後人夢者讀誦數數有  
驗臣不敢蔽其詞曰

余宵夜寢息忽則有非常之夢其為夢也悉覩鬼物之  
變怪則有蛇頭而四角魚首而鳥身或三足而六眼或

龍形而似人羣行而奮搖忽來到吾前伸臂而舞手意

欲相引牽於是夢中聲怒膈

音福廣韻膈臆意不泄也

臆於力切胃也廣韻胃

也臆紛紜吾含天地之淳和何妖孽之敢臻爾乃揮手振

拳雷發電舒斲

音斲又側畧切

游光斬猛獮批黠毅斫魑魍梢

魑魍拂諸渠撞從目打三顧撲茗堯

乳燒切

扶夢魍搏睥

普計切睥

蹴睢盱剖列蹙掣羯孽剗尖鼻踏赤舌拏

傖

仕衡切切臆藏經釋音音寧

揮髯髯

力劫郎各二切此賦一篇其間鬼名如游光則後漢

張衡東京賦所謂殪野仲殲游光是也唐薛綜曰游光野仲皆惡鬼兄弟八人常在人間為怪害魑魍者東京

賦梢螭魁斬猶狂唐呂向曰魁魁山澤之神說文魁耗鬼也張衡曰殘夢魁與罔象魍魎者東漢班孟堅幽通

賦恐魍魎之責影兮羌未得其云已唐李周翰曰魍魎影外微陰也莊子魍魎問於影曰曩子坐今子止何其

無特操歟影曰吾有待而然也夢魍者孟康曰夢如龍有角人面赤舌者太玄經所謂赤舌燒城吐水干餅也

猛豬鬣殺諸渠從目三顧至僖髡髻鬚皆不見於六經子史然陰陽家謂為耗神而唐呂向謂皆惡神鬼名也

於是手足俱中捷獵摧拉澎蒲衝切王篇曰水名也又

貌又音彭音秘王篇曰跌徒結切抗指倒批彊梁捶撻

剗藏經音釋援僚余搥子孔撓亡結切撓揆點拖許何

頽躋五拜切扞撻極軋於是羣邪聚魁駭擾遑遽煥衍叛

散乍留乍去變形瞪

目直耕切怒目直視貌

眇

麴顧望猶豫吾今於

是更奮奇譎

汰

捧撲

黃路切又乙獲切布撲也

噴扼堯兇

魚結切

捷拉

咿嘤

於未切老子曰終日號而不嘤嘤氣逆也

批擾

于馘切擊也

於是三三四四

相隨佞

戶懇切戾也本作很

傍而歷僻礧礧

力功切磨礧也

磕磕

苦蓋切又苦闔切

切精氣充布輶輶

呼萌切車聲

摻摻

力周切居由切絞也

鬼驚魅怖或

盤跚

先安切跚跚也

而欲走或拘攣而不能步或中瘡而宛轉

或棒痛而號呼奄霧消而光散寂不知其何故嗟妖邪

之怪物敢干真人之正度耳唧嘈

才刀切唧嘈聲也

而外朗忽



屈信而覺悟於是雞知天曙

市據切東方明也

而奮羽忽嘈然

而自鳴鬼聞之以迸走心惴怖而皆驚亂曰齊桓夢物

而以霸兮

莊子桓公田於澤管仲御見鬼馬公撫管仲之手曰仲父何見對曰臣無所見公反誅詒

為病數日不出齊士有皇子告敖者公則自傷鬼惡能傷公夫忿瀟之氣散而不反則為不足上而不下則使

人善怒下而不上則使人善忘不上不下中身當心則為病桓公曰然則有鬼乎曰有沈有履竈有髻戶內之

煩壞雷霆處之東北方之下者倍阿鮭蠃躍之西北方之下者則沃陽處之水有罔象丘有犖山有夔野有彷徨

徨澤有委蛇公曰請問委蛇之狀何如皇子曰委蛇其大如榘其長如轅紫衣而朱冠其為物也惡聞雷車之

聲則捧其首而立見之者殆乎霸

武丁夜感得賢佐兮

尚書夢得說使百工營求諸野

得諸傳巖作說命三篇孔氏傳曰盤庚周夢九齡年克

弟小乙子名武丁夢得賢相其名曰說

百慶兮禮記文王謂武王曰汝以為何也武王曰西方有九國

馬君王其終撫諸文王曰非也古者謂年齒齒亦齡也

我百爾九十吾與爾三焉文王九十七而終武王九十

終而晉文監腦國以競兮十二國史當作食字然左氏

在十二國史之前今當從左氏作監字傳曰晉侯夢與

楚伏其罪吾且柔之矣杜預曰監唌也十二國史曰晉

文公將兵伐楚欲戰夢與楚王鬪而不利文公在下楚

王在上而食其腦文公覺以為夢不祥欲退而不戰范

宣子曰夢吉矣君雖在下仰而見天生之象也楚王在

上俯而見地死之象也楚王食君之腦是必敗矣但戰破之明矣遂戰

老子役鬼以神將

兮轉禍為福永無恙兮

老子者楚苦縣厲鄉曲仁里人也見周之衰乃遂去至闕闕令

尹喜曰子將隱矣強為我著書於是老子乃著書上下篇言道德之意此司馬遷所記如此至道藏則以老子為太上老君而神仙傳載其以神符役使鬼神賦云役鬼以神將者本此

### 王孫賦

### 王延壽

原天地之造化實神偉之屈奇道玄微以密妙信無物而不為有王孫之狡獸形陋觀而醜儀顏狀類乎老公軀體似乎小兒眼眄真日切瞞以眈當含切說文曰卹

視職

莊力切目出淚也

睫

居穴切

睦

呼圭切瘦貌

突高匡而曲頤

烏葛

切鼻莖也

瞼

玄辨切小兒初生蔽目也

嬰

舒仁切引目也

歷而隳離鼻

圭

火候切鼻息也

以

鼻

息也

以

鼻

息也

以

鼻

息也

以

鼻

息也

冊

蘇合切音變也

以

齡

盭

脣

殺

啗

先立切忍寒聲也

以

瓶

稅

齒

厓

齧

齧齧

啗

啗

而

啗

之涉切口無節亦私罵

而

啗

多言也

而

啗

而

啗

亦

呪哇又音兒

儲

糧

食

於

兩

頰

稍

委

輸

於

胃

脾

不

踏也

兔

蹲

而

狗

踞

聲

歷

鹿

而

喔

乙角切

伊

伊

謂以事婦人乎

或

囁

囁

而

噉

噉

此一字玉篇本作此噉字去擊

噉

噉

噉

噉

噉

切啖  
喫也

又啗的其若啼娑僭僂以抵贛

古送切賜也又  
古禪切縣名豁

吁閱

許吉于  
攝二切以頸醯

口盍切

貽

刺史切說  
文直視也

眈

廣韻小  
媼媚也

駸而

曉賜既然

廣韻日光也奴旬切日氣  
又戶顯切明也又煥也

瞞

奴侯切又日失  
切日色釋曰亦

奴侯切  
又煖切

而跖𦍋

廣韻在冥字韻中收註云𦍋者  
𦍋榻也一云𦍋皺皮不展也

生深山

之茂林處嶄巖之嶽崎

欺奇  
二音

性僇

撫招切

猜而獮

音獮犬  
鬪也

疾態鋒出而橫施緣百仞之高木攀窈裏之長枝背牢

落之峻壑臨不測之幽谿尋柯條以宛轉或捉腐而登

危或羣跳而電透了爪懸而瓠垂上觸手而拏攬下對

足而登距手擊攬以狂接負條

書乃切子虛賦條而

電赴將遼落以蕭索乍睥睨以容與或躡

圭津切跌穴

也切疾以跳迸又咨嘷

丁頰切嘷

而攢聚扶嶽

綺金切嶽

峯

宜金切

以棟椽躡危臬

音業門歷也爾雅在牆者樺在地者臬也

而騰舞

忽踴逸而輕迅差難得而覩

音驟

縷同甘苦於人類好

鋪糟而歡醺乃置酒於其側競爭飲而跗馳酩酊

許

切光酒

而迷醉矇眊眠睡而無知暫

祖濫切

拏髮以纏縛

遂纓絡而羈縻歸鎖繫於庭廡觀者吸啤而忘疲

窮鳥賦

趙壹

本傳壹字元叔漢陽西縣人恃才倨傲為鄉黨所擯乃作解擯又畏禁不敢班班顯

言竊為賦一篇

有一窮鳥戢翼原野罩網加上機穽在下前見蒼隼後

見驅者繳彈張右羿子穀左

羿子謂羿也淮南子堯時十日並出命羿射十日中

其九鳥皆死墮其羽翼穀引弓也

飛丸激矢交集于我思飛不得欲鳴

不可舉頭畏觸搖足恐墮內獨怖急乍冰乍火幸賴大

賢我矜我憐昔濟我南今振我西

叶音先

鳥也雖頑猶識

密恩內以書心外用告天天乎祚賢歸賢永年且公且侯子子孫孫

疾邪賦

趙壹

伊五帝之不同禮三王亦又不同樂數極自然變化非是故相反駁德政不能救世溷亂賞罰豈足懲時清濁春秋時禍敗之始戰國愈復增其荼毒秦漢無以相踰越乃更加其怨酷寧計生民之命唯利己而自足于茲



迄今情偽萬方佞諂日熾剛克消亡舐痔結廐正色徒

行

莊子宋有曹商者為宋主使秦秦王說之益車百乘莊子曰秦王有病召醫舐痔者得車五百乘子豈舐

痔何得車之多

嫗嫗名勢撫拍豪強

嫗嫗猶倮倮也嫗衣字反丘矩反撫拍相親狎也

偃蹇反俗立致咎殃

偃蹇驕教也

捷懾逐物日富月昌

捷疾也懾

懼也急懼逐物則致富昌

渾然同惑孰溫孰涼邪夫顯進直士幽藏

原斯瘼之幽興實執政之匪賢女謁掩其視聽兮近習

秉其威權所好則鑽皮出其毛羽所惡則洗垢求其瘢

痕雖欲竭誠而盡忠路絕嶮而靡緣九重既不可啓又

羣吠之狺狺安危亡於旦夕肆嗜慾於目前奚異涉海

之失柁積薪而待然榮納由於閃榆孰知辨其蚩妍閃榆

傾佞之貌行傾佞者則享榮寵而見納用榆音輸故法禁屈撓於執族恩澤不

逮於單門寧饑寒於堯舜之荒歲今不飽暖於當今之

豐年乘理雖死而非亡違義雖生而匪存有秦客者乃

為詩曰河清不可俟人命不可延左傳俟河之清人壽幾何言人壽促河清

遲也順風激靡草富貴者稱賢文籍雖滿腹不如一囊錢

伊優北堂上抗髒倚門邊伊優屈曲佞媚之貌抗髒高亢倖直之貌佞媚者見親故

昇堂悼直者見棄  
故倚門隣音葬

魯生聞此辭繫而作歌曰

秦客魯生皆寓言也

勢家多所宜咳唾自成珠被褐懷金玉蘭蕙化為芻賢者雖獨悟所困在羣愚且各守爾分勿復空馳驅哀哉復哀哉此是命矣夫

### 蟬賦

曹植

唯夫蟬之清素兮潛厥類乎太陰在炎陽之仲夏兮始遊豫乎芳林實淡泊而寡慾兮獨怡樂而長吟聲噉噉

而彌厲兮似貞士之介心内含和而弗食兮與衆物而  
無求栖高枝而仰首兮賴朝露之清流隱柔桑之稠葉  
兮快閒居而適暑苦黃雀之作害兮患螳螂之勁斧飄  
翔而遠託兮毒蜘蛛之罔罟欲降身而卑竄兮懼草蟲  
之襲予免衆難而弗獲兮遙遷集乎宮宇依名果之茂  
陰兮託脩幹以靜處有翩翩之狡童兮步容與於園圃  
體離朱之聰視兮姿才捷於猿猴條罔葉而不挽兮樹  
無幹而不緣翳輕驅而奮進兮跪側足以自閑恐余身

之驚駭兮精曾睨而目連持柔竿之冉冉兮運微黏而我纏欲翻飛而愈滯兮知性命之長捐委厥體於膳夫歸炎炭而就燔秋霜紛以宵下晨風烈其過庭氣懽怛而薄軀足攀木而失莖吟嘶啞以沮敗狀枯槁以喪形辭曰詩歎鳴蜩聲嘒嘒兮盛陽則來太陰逝兮皎皎貞素俟夷節兮帝臣是戴尚其潔兮

蝙蝠賦

曹植

曰吁何姦氣生茲蝙蝠形殊性詭每變常式行不由足  
飛不假翼明伏暗動盡似鼠形謂鳥不似二足為毛飛  
而含齒巢不哺鰥空不乳子不容毛羣斥逐羽族下不  
蹈陸上不憑木

酒賦

曹植

余覽揚雄酒賦辭甚瑰瑋頗戲而不雅聊作酒賦  
粗究其終始賦曰

嘉儀氏之造思亮茲美之獨珍仰酒旗之景曜協嘉號  
於天辰移生以醴而辭楚侯羸感爵而憎深其味有宜  
城醪醴蒼梧縹清或秋藏冬發或春醞夏成或雲沸沸  
涌或素螳浮萍爾乃王孫公子遊俠翱翔將承芬以接  
意會陵雲於朱堂獻酬交錯宴笑無方於是飲者並醉  
縱橫謹譁或揚袂屢舞或叩劍清歌或嘖嘖辭觴或奮  
爵橫飛或歎驪駒既駕或稱朝露未晞於斯時也質者  
或文剛者或仁卑者忘賤寔者忘貧於是矯俗先生聞

之而歎曰噫夫言何容易此乃淫荒之源非作者之事  
若耽于觴酌流情縱逸先生所禁君子所斥

玄暢賦

曹植

夫富者非財也貴者非寶也或有輕爵祿而重榮  
聲者或有反性命而以徇功名者是以孔老異旨  
楊墨殊義聊作斯賦名曰玄暢

夫何希世之大人罄天壤而作皇該仁聖之上義據神



位以統方補五常之漏目綴三代以維綱僥余生之倖  
祿邁九二之嘉祥上同契於稷卨降合賴於伊望思薦  
寶以繼佩怨和璞之始鑄思黃鐘以協律怨伶夔之不  
存嗟所圖之莫合悵蘊結而延志希鵬舉以傳天蹶青  
雲而奮羽企駟躍而改駕任中才之展御望前軌而致  
策顧後來而安驅匪逞邁之短修取全貞而保素弘道  
德以為宇築無怨以作藩溜慈惠以為圃耕柔順以為  
田不愧景而慙魄言縣天之何欲逸千載而流聲超遺

卷三十二  
黎而度俗

車渠椀賦

曹植

惟新椀之所生于涼風之浚濱采金光之定色擬朝陽  
而發暉豐玄素之暉暉帶朱榮之歲粦縕絲綸以肆采  
藻繁布以相追翩飄飄而浮景若驚鵲之雙飛隱神璞  
於西野彌百葉之莫希于時乃有篤神后廣被仁聲夷  
慕義而重使獻茲寶於斯庭命公翰使制匠窮妍麗之

殊形華色粲爛文若點成鬱翳雲蒸蜿蜒龍征光如激  
電影若浮星何神怪之巨偉信一覽而九敬雖離朱之  
聰目內炫燿而失精何明麗之可悅超羣寶而特章俟  
君子之間宴酌甘醴於斯觥既娛情而可貴故求御而  
不忘

逸民賦

陸雲

富與貴人之所欲也而古之逸民或輕天下細萬

物而欲專一丘之歡擅一壑之美豈不以身聖於  
宇宙而心恬於紛華者哉故天地不易其樂萬物  
不干其心然後可以妙有生之極享無疆之休也  
乃為賦云

世有逸民兮栖遲乎一丘委天形之外心兮淡浩然其  
何求陋此世之險隘兮又安足以盤遊杖短策而遂往  
兮枕石而漱流載營抱魄懷元服一傲物思寧妙世自  
逸靜芳響著於永言滅絕景於無質相荒土而卜居度山

阿而考室曾丘翦薈宮谷重深叢木振類葛藟垂陰潛  
魚泳沚嚶鳥來吟仍蔬圃於芝薄兮即蘭堂於芳林靡  
炎飆以赴節兮揮天籟以興音假樂器於神造兮詠幽  
人於鳴琴挹回源於別沼兮飡秋菊於高岑蒙玉泉以  
濯髮兮臨深谷以投簪寂然尸居儼焉山立遵階龍見  
在林鳳戢遁綿野以安宅望空巖而凱入明發悟歌有  
懷在昔賓濮水之清淵儀磻溪之一壑毒萬物之誼譁  
兮聊漁釣於此澤爾乃薄言容與式宴盤桓朝挹芳露

夕玩幽蘭眇區外而放志兮眷天路而怡顏望靈岳之  
貴景兮想佳人於雲端悲滄浪之濁波兮詠芳池之清  
瀾鄙終南之辱節兮躋伯陽之考槃眇清霄以寄轡兮  
泝凌風而頽歎玄微載晏何思何欲漂若行雲之浮泊  
若窮林之木咨有得之必喪兮蓋古寵之名辱彼貪夫  
之死權兮固遺生之要祿竦戰兢而履冰兮祇肅懷以  
臨谷亮據鼎之無懷兮在顛沛之必渥是故形魂者徵  
咎體壯者為犧雖明文而龍藻兮終俛首而受羈立修

名於禍始兮登全生於戾階資朝幸之促節兮抱千載  
之長懷擠考終於遠期兮顛靈根而自摧殉有喪之假  
樂兮彼無身其孰哀美達人之玄覽兮邈藏器於無為  
有迹自遺道無不可萬殊有同齊物無寡並家於國等  
朝於野榮在世而貴身兮神居形而忘我欽妙古之達  
言兮信懷莊而悅賈增既明於天爵兮何擬悲於人禍  
陋國風之皇恤同明哲於大雅亂曰乘白駒兮皎皎  
遊穹谷兮謁謁尋峻路兮崢嶸臨芳水兮悠裔槃立園

兮暇豫翳翠采兮重蓋瞻洪涯兮清輝紛容與兮雲際  
欲凌宵兮從之恨天地兮未泰詠歡友兮清唱和爾音  
兮此世

寒蟬賦

陸雲

昔人稱雞有五德而作賦焉至於寒蟬才齊甚美  
獨未之思夫頭上有髮則其文也含氣飲露則其  
清也黍稷不食則其廉也處不巢居則其儉也應



候守節則其信也頭有冠冕則其容也君子參之  
可以事君可以立身豈非至德之蟲哉且攀木寒  
鳴負材所歎余昔僑處却有感焉乃作賦云

伊寒蟬之感運近嘉時而遊征含二儀之和氣稟乾元  
之清靈體貞精之淑質吐呻噎之哀聲希慶雲以優游  
適太陰以自寧於是靈岳幽峻長林參差有蟬集止輕  
羽莎佗承南風而軒景附高松之上華黍稷惟馨而匪  
享竦身睇陽乎靈和唳乎其音翩乎其翔容麗蜩蟬聲

美宮商飄如飛鴻之遭驚風眇如輕雲之麗太陽華靈  
鳳之羽儀睹皇都乎上京跨天路於萬里豈蒼蠅之尋  
常爾乃振脩綏以表首舒輕翅而迅翰吸僊華之墜露  
含煙煴以夕飡望北林以鸞飛集樛木以龍蟠彰淵信  
於嚴時稟清誠於自然翩眇微妙綿蠻其形翔林附木  
一枝不盈豈黃鳥之敢希鳴鴻毛其猶輕憑綠葉之餘  
光景秋華之方零思鳳居以翹竦仰佇立而哀鳴若夫  
歲律云暮天上其涼感運悲聲貧士含傷或歌我行永

久或云之子無裳原思歎於蓬室孤竹吟於首陽不銜  
子以穢身不勤身以營巢志高於鴈鳩節妙乎鴟鴞既  
乃雕以金采圖我嘉容珍景曜爛暉暉華豐奇侔黼黻  
艷比袞龍清和明潔羣動希迹綴以玄冕增城首飾纓  
綈翩紛九旒容翼映華蟲於朱袞表馨香於明德於是  
公侯常伯乃紆紫韞俯鳴玉佩仰撫貂蟬飾黃廬之多  
士光帝皇之侍人騰儀像於雲闕望景曜乎通天邁休  
聲之五德豈鳴雞之獨珍耶振思於翰藻闡令聞以長

存於是貧居之士相與而俱歎曰寒蟬哀鳴其聲也悲  
四時云暮臨河徘徊感北門之憂勤念卒歲之無衣望  
青泰之巍巍我思希光而無階簡嘉蹤於皇心冠神景於  
紫微詠清風以慷慨發哀歌以慰懷

文選補遺卷三十二

欽定四庫全書

文選補遺卷三十三

元 陳仁子 輯

賦

感士不遇賦

陶潛

昔董仲舒作士不遇賦司馬子長又為之余嘗以  
三餘之日講習之暇讀其文慨然惆悵夫履信思

順生人之善行抱朴守靜君子之篤素自真風告  
逝大偽斯興閭閻懈廉退之節市朝驅易進之心  
懷正志道之士或潛玉於當年潔已清操之人或  
沒世以徒勤故夷皓有安歸之歎三閭發已矣之  
哀悲夫寓形百年而瞬息已盡立行之難而一城  
莫賞此古人所以染翰慷慨屢伸而不能已者也  
夫導達意氣其惟文乎撫卷躊躇遂感而賦之  
咨大塊之受氣何斯人之獨靈稟神智以藏照秉三五

而垂名或擊壤以自歡

韻語陽秋曰藝經云壤以木為之  
前廣後銳長尺四寸闊三寸

其形如履將戲先側一壤於地遠三四十步以手中壤擊之中者為上蓋古戲也

或大濟於蒼

生靡潛躍之非分常傲然以稱情世流浪而遂徂物羣  
分以相形密網裁而魚駭宏羅制而鳥驚彼達人之善  
覺乃逃祿而歸耕山嶷嶷而懷影川汪汪而藏聲望軒  
唐而永歎甘貧賤以辭榮渟源汨以長分美惡作以異  
途原百行之攸貴莫為善之可娛奉上天之成命師聖  
人之遺書發忠孝於君親生信義於鄉閭推誠心而獲

顯不矯然而祈譽嗟乎雷同毀異物惡其上妙算者謂  
迷直道者云妄坦至公而無猜卒蒙恥以受謗雖懷瓊  
而握蘭徒芳潔而誰亮哀哉士之不遇已不在炎帝帝  
魁之世獨祇修以自勤豈三省之或廢庶進德以及時  
時既至而不惠無爰生之晤言爰蓋念張季之終蔽釋之愍  
馮叟於郎署唐賴魏守以納計尚雖僅然於必知亦苦  
心而曠歲審夫市之無虎眩三夫之獻說悼賈傳之秀  
朗紆遠轡於促界悲董相之淵致屢乘危而幸濟感哲



人之無偶淚淋浪以灑袂承前王之清誨曰天道之無  
親澄得一以作鑒恒輔善以佑仁夷投老以長饑回早  
夭而又貧傷請車以備櫛悲茹薇而殞身雖好學與行  
義何死生之苦辛疑報德之若茲懼斯言之虛陳何曠  
世之無才罕無路之不澀伊古人之慷慨病奇名之不  
立廣結髮以從政不愧賞於萬邑屈雄志於戚豎竟尺  
土之莫及留誠信於身後慟衆人之悲泣商盡規以拯  
弊言始順而患入奚良辰之易傾胡害勝其乃急蒼旻

遐緬人事無已有感有味疇測其理寧固窮以濟意不  
委曲而累已既軒冕之非榮豈緼袍之為恥誠謬會以  
取拙且欣然而歸止擁孤襟以畢歲謝良價於朝市

閒情賦

昭明太子序云白璧微瑕惟在閒情一賦  
東坡曰淵明作閒情賦所謂國風好色

而不淫正使不及周南與屈宋所陳何  
異而統大譏之此乃小兒強作解事者

陶潛

初張衡作定情賦蔡邕作靜情賦檢逸詞而宗澹  
泊始則蕩以思慮而終歸閒正將以抑流宕之邪

心諒有助於諷諫綴文之士奕代繼作並因觸類  
廣其詞義余園閭多暇復染翰為之雖文妙不足  
庶不謬作者之意乎

夫何懷逸之令姿獨曠世以秀羣表傾城之艷色期有  
德於傳聞佩鳴玉以比絜齊幽蘭以爭芬淡柔情於俗  
內負雅志於高雲悲晨曦之易夕感人生之長勤同一  
盡於百年何歡寡而愁殷褰朱幃而正坐汎清瑟以自  
欣送纖指之餘好攘皓袖之繽紛瞬美目以流眄含言

笑而不分

此章說莊姜容貌之美所宜親幸

曲調將半景落西軒悲商

叩林白雲依山仰睇天路俯促鳴絃神儀嫵媚舉止詳

妍激清音以感余願接膝以交言欲自往以結誓懼冒

禮之為讐

祛言切過失也

待鳳鳥以致辭恐他人之我先意惶

惑而靡寧魂須臾而九遷願在衣而為領承華首之餘

芳悲羅襟之宵離怨秋夜之未央願在裳而為帶束窈

窕之纖身嗟溫涼之異氣或脫故而服新願在髮而為

澤刷玄鬢於頰肩悲佳人之屢沐從白水以枯煎願在眉

而為黛隨瞻視以閒揚悲脂粉之尚鮮或取毀於華妝  
願在莞而為席安弱體於三秋悲文茵之代御方經年  
而見求願在絲而為履附素足以周旋悲行止之有節  
空委棄於牀前願在畫而為影常依形而西東悲高樹  
之多蔭慨有時而不同願在夜而為燭照玉容於兩楹  
悲扶桑之舒光奄滅景而藏明願在竹而為扇含淒飆  
於柔握悲白露之晨零顧襟袖以緬邈願在木而為桐  
作膝上之鳴琴悲樂極以哀來終推我而輟音考所願



而必違徒契契以苦心

契泣結反

擁勞情而罔訴步容與於

南林栖木蘭之遺露翳青松之餘陰儻行行之有覲交  
欣懼於中懔竟寂寞而無見獨悄想以空尋歛輕裾以  
復路瞻夕陽而流歎步徙倚以忘趣色慘悽而矜顏葉  
變變以去條氣淒淒而就寒日負影以偕沒月媚景於  
雲端鳥悽聲以孤歸獸索偶而不還悼當年之晚暮恨  
茲歲之欲殫思宵夢以從之神飄飄而不安若憑舟之  
失棹譬緣厓而無攀于時畢昴盈軒北風淒淒恫恫不

寐衆念徘徊起攝帶以伺晨繁霜繁於素階雞歛翅而  
未鳴笛流遠以清哀始妙密以閒和終寥亮而藏推意  
夫人之在茲託行雲以送懷行雲逝而無語時奄冉而  
就過宋本云行雲逝而不我留時亦奄冉而就過徒勤思以自悲終阻山而  
帶河迎清風以祛累寄弱志於歸波尤蔓草之為會誦  
邵南之餘歌坦萬慮以存誠憩遥情於八遐

尺蠖賦

鮑照

智哉尺蠖觀機而作申非向厚屈非向薄當靜泉渟遇  
躁風驚起軒軀以曠跨伏累氣而併形冰炭弗觸鋒刃  
歷迂逢嶮蹶躋值夷舒步忌好退之見猜哀必進而為  
蠹每驤首以瞰途常佇景而翻路故身不豫託地無前  
期動靜必觀於物消息各隨乎時從方而應何慮何思  
是以軍算慕其權國容擬其變高賢圖之以隱淪智士  
以之而藏見笑靈蛇之久蟄羞龍德之方戰理害道而  
為尤事傷生而感賤苟見義而守勇豈專取於弦箭



觀漏賦

鮑照

客有觀於漏者退而歎曰夫及遠者箭也而定遠  
非箭之功為生者我也而制生非我之情故自箭  
而為心不可憑者絃因生以觀我不可恃者年憑  
其不可恃故以悲哉況乎沈華密遠輕波潛耗而  
感神嬰慮者又自外而傷壽以是思生生亦勤矣  
乃為賦云

佩流歎於馳年纓華思於奔月結蘭苔以望楚弄參差  
以歌越撫凝肌於遷滯鑑雕容於髣髴景有墜而易昏  
憂無方而難歇歷攻階而升隩訪金壺之盈闕觀騰波  
之吞寫視驚箭之登沒箭既沒而復登波長瀉而弗歸  
注沈穴而海漏射懸塗而電飛墮戶牖而知天掩雲霧  
而測暉創百齡於纖隱積千里於空微彼崢嶸而行溢  
此冉冉而逾衰撫寸心而未改指分光而永違昔傷矢  
之奔禽聞虛弦之顛仆徒嬰刃而知懼豈潛機之能覺

惟主經之霍靡亦悲長而懽促橫證古而秉心抱空意  
其如玉波沈沈而東注日滔滔而西屬落繁馨於纖草  
殞豐華於喬木對異離而後歌據窮蹊而方哭雖接新  
之更傳寧絕明之還續貫古今而并念信寡易而多難  
時不留乎激矢生乃急於走丸既河源之莫壅又吹波  
而助瀾神怵迴而多慮心輾轉而甚歡望天涯而佇念  
擢雄劍而長歎嗟生民之永迷躬與後而皆恤死零落  
而無二生差池之非一理幽分於化前算冥定於天秩與

父骨而招病猶刳腸而興疾情殊用而俱盡事離方而  
同失聊弭志以高歌順烟雨而沈逸於是隨秋鴻而汎  
渚逐春燕而登梁進賦詩而展念退陳酒以排傷物不  
可以兩大時無得而雙昌薰晚華而後落槿早秀而前  
亡姑屏憂以愉思樂茲情於寸光從江河之紆直委天  
地之圓方漏盈兮漏虛長無絕兮芬芳

野鵝賦

鮑照

有獻野鵝於臨川王世子愍其樊繫命為之賦其  
辭曰

集陳之隼以自遠而稱神栖漢之雀乃出幽而見珍此  
璫禽其何取亦廁景而承仁捨水澤之驩逸對鐘鼓之  
悲辛豈徇利而輕命將感愛而投身入長羅之逼脅恨  
高繳之樊縈邈辭朋而別偶起煙驚而風行跨日月而  
遥逝忽瞻國而望城踐非迹於瑤塗昇弱羽於丹庭瞰  
東西之繡戶眺左右之金局貌纖殺而含一作悴心翻

越而慙驚若墜而墮谷悅不知其所寧惟君園之珍麗  
實妙物之所殷翔海澤之輕鷗巢天宿之鳴鶉鵲程材  
於梟猛翬薦體之雕文既矯翼以照景亦選翮以排雲  
雖居物以成偶終在我以非羣望征雲而延悼顧委翼  
而自傷無青雀之銜命乏赤鴈之嘉祥空穢君之園池  
徒慙君之稻梁願引身而翦迹抱末志而幽藏於是流  
歲遂遠慘節方崇雲纏海岱風拂嶠瀟飛雲馳霞飄沙  
舞蓬視清池之初涸望綠林之始空立菰蒲之寒渚託

隻影而為雙宛拔啄而掩背悲結悵而滿宵處朝晝而  
雅念假外見而遷排涉脩夜之長寂信專思而知哀風  
稍稍而過樹月蒼蒼而照臺冰依岸而早結霜託草而  
先摧歛雙翮於水裔翹孤趾於林隈情無方而兩集事  
有限而星垂在俄頃而猶悼矧窮生之所懷聞宿世之  
高賢澤無微而不均育草木而明義愛禽鳥而昭仁全  
殞卵而來鳳放乳麋而感麟雖陋生於萬物若沙漠之  
一塵苟全軀而畢命庶魂報以自申

園葵賦

鮑照

風暖凌開土冒泉動游塵曝日鳴雉依隴主人拂黃冠  
拭藜杖布蔬種平圻壤通畔脩直膏畝夷敞白莖紫蒂  
豚耳鴨掌溝東陌西行三畦兩既區既鉏乃露乃映句  
萌欲伸藜牙將散爾乃晨露夕陰霏雲四委沈雷遠震  
飛雨輕洒徐未及晞疾而不靡柔莖爰秀剛甲以解稚  
葉萍布弱陰竟抽萋萋翼翼沃沃油油下歲蕤而被逕



上參差而覆疇承朝陽之麗景得傾柯之所投仕非魯  
相有不拔之利賓非二仲無逸馬之憂顧堇荼而莫偶  
豈蘋藻之薦羞若乃鄰老談稼女嫗歸桑拂此葦席炊  
彼糲梁甞壺援醯曲瓢卷漿乃羹乃淪堆鼎盈筐甘旨  
藉脆柔滑芬芳消淋逐水潤胃調腸於是既飫徹盤投  
筯回小人之腹為君子之慮近觀物運遠訪師聖聲數  
後彰律理前定烏非黠黑鶴豈浴淨彼圓行而方止固  
得之於天性伊冬簞而夏裘無雙功而並盛盪然任心

樂道安命春風夕來秋日

一作秋月

晨映獨酌南軒擁琴孤

聽篇章間作以歌以詠魚深沈而鳥高飛孰知美色之

為正

酬德賦

謝朓

右衛沈侯以冠世偉才眷余以國士以建武二年  
余將南牧見贈五言余時病既以不堪蒞職又不  
獲復詩四年余忝役朱方又致一首迫東偏寇亂

良無暇日其夏還京師且事讌言未遑篇章之思  
沈侯之麗藻天逸固難以報章且欲申之賦頌得  
其盡體物之旨詩不云乎無言不酬無德不報言  
既未敢為酬然所報者寡於德耳故稱之酬德賦  
其辭曰

悲夫四游之代序六龍驚而不息輕蓋靡於駿奔玉衡  
勞於拊翼嗟歲晏之渺歡曾陰默以悽惻玄武伏於重  
介宛虹潛以自匿覽其物之用捨相羣方之動植吊悴

軀於華省理衣簪而自教思披文而信道散奮懣於宵  
臆嗟民生之知用知莫深於知己彼知己之為深信懷  
之其何已牽弱葛之蔓延寄陵風於松杞指曲蓬之直  
達固有憑於原泉彼排虛與蹠實又相鳴於林沚興伐  
木於友生詠承筐於君子矧景行之在斯方寄言於同  
恥求相仁於積習寓神心於名理惟敦牂之旅歲實興  
齊之二六奉武運之方昌覩休風之未淑龍樓儼而洞  
開梁邱煥其重複君奉筆於帝儲我曳裾於皇穆藉風

雲之化景申遊好於蘭菊結德言而為佩帶芳猷而為  
服援雅範以自綏懿前修之所勗昔仲宣之發潁實中  
郎之倒屣及士衡之籍甚託壯武之高義有杞梓之貞  
心協丹采之輝被伊吾人之陋薄雖黼藻之何寘惟風  
雅之未變知雲網之不廓譬曾棟之將傾必華榱之先  
落翳明離以上賓屬傳體於纖萼周二輝而分崩擠九  
鼎於重壑雖魚鳥之欲安駭風川而回薄微天道之布  
新嗟負首其焉託余窘迹以多愧塊離尤而獨處君紆

組於名邦貽話言於川渚悵分手於東津望徂舟而延佇慮古今之為隔豈山川之云阻賴先德之龍興奉英靈之電舉事紫泥之密勿腰青綬而容與沾後惠以竭來竟卒獲其笑語我艤舟以命徒將汨徂於南夏既勗余以炯戒又引之以風雅若笙簧之在聽雖舒憂而可假昔疢病於漳濱思繼歌而莫寫恩闕降之未已奉京粉而作傳臨邦塗之永陌懷余馬於騏驎望平津而出宿登崇岡而興賦顧歸幃之南回引行轡而東驅何瓌

才之博侈申贈辭於萱樹指代匠而切偲比治素而引  
喻方含毫而報章迫紛埃之東驚釋末位以言歸忽乘  
駟以南赴連篇章之莫訓欲寄言於往句類鍛翮之難  
矯似洞源之不注意搔搔以杼柚魂營營而馳驚爾腰  
戟於戎禁我拂劒於郎闈願同車以日夜城望昏而掩  
扉時遊盤以未極睽落景之徂輝若清顏之倏忽吝  
賞之多違排重闕而休告知南館之有依驂職門以右  
轉僕望路其如歸忘清漏之不緩惜曉露之方晞聞夫

君之東守地隱蓄而懷仙登金華之問道得石室之名  
篇悟寰中之迫脅欲輕舉而捨旃離寵辱於毀譽去天  
伐於腥羶忽攜手以上征躋中皇之修迴巾帝車之廣  
軾棹河舟之輕舫歷星街之熠燿浮天潢之潏潏機九  
轉於玉漿練七明於神鼎吹萬化而不喧度千春之可  
並齊天地於倏忽安事人間之紆緯哉

杜若賦

謝朓



憑瑤圃而宣游臨水木而延佇柳含色於遠岸泉鏡流  
於枉渚蔭綠竹以淹留藉幽蘭而容與覽茲榮之悅茂  
紛為芳於清籟觀夫結根流色發曜垂英緣春巒以纖  
布蔭涼潭而影清景奕奕以四照枝靡靡而葉傾冒霜  
蹊以獨蒨當春郊而逕平蹇汀洲以企予懷石泉於幽  
情嗟中巖之纖草厠金芝於芳叢夕舒榮於潯露且發  
彩於春風承羲陽之光景庶無悲於轉蓬

拾遺

余既刊賦竟偶得數  
篇不忍棄再附於此

文木賦

中山王

西京雜記魯恭王得文木一枚伐以為器意甚玩之中山王為賦曰

麗木離披生彼高厓拂天河而布葉橫日路而擢枚幼  
雛羸穀單雄寡雌紛紜翔集嘈噉鳴啼載重雪而梢勁  
風將等歲於二儀巧匠不識王子見知乃命班爾載斧  
伐斯隱若天崩豁如地裂花葉紛披條枚摧折既剝既  
刊見其文章或如龍盤虎踞復似鸞集鳳翔青縹紫綬  
環壁珪璋重山累嶂連波疊浪奔電屯雲薄霧濃零麇

宗驥旅雞族雉羣蠋繡鴛錦蓮藻芟文色比金而有裕  
質參玉而無分裁為用器曲直舒卷脩竹映池高松植  
巘制為樂器婉轉蟠紆鳳將九子龍導五駒制為屏風  
鬱弗穹隆制為杖几極麗窮美制為枕案文章璀璨彪  
炳渙汗制為盤盂采玩踟躕猗歟君子其樂只且

恭王  
大悅

顧眎而  
笑賜馬

几賦

西京雜記梁孝王遊於忘憂之館集諸遊士  
各使為賦韓安國作几賦不成鄒陽代作

鄒陽

高樹凌雲蟠汚煩冤傍生附枝王爾公舒之徒荷斧斤  
援葛藟攀喬枝上不測之絕頂伐之以歸眇者督直聳  
者磨礱若齊貢金斧楚入名工迺成斯几離奇髣髴似龍  
盤馬迴鳳去鸞歸君王憑之聖德日躋

鄒陽安國  
罰酒三升

屏風賦

同上

羊勝

屏風韜帟蔽我君王重葩累繡沓壁連璋飾以文錦映  
以流黃畫以古列顯顯昂昂藩后宜之壽考無疆

白髮賦

左思

星星白髮生於鬚垂雖非青蠅穢我光儀策名觀國以  
此見疵將拔將鑷好爵是縻白髮將拔愀然自訴稟命  
不幸值君年暮偏迫秋霜生而皓素始覽明鏡惕然見  
惡朝生晝拔何罪之故子觀橘袖一皜一眄貴其素華  
匪尚綠葉願戢子之手攝子之鑷咨爾白髮觀世之途  
靡不追榮貴華賤枯赫赫閭闔藹藹紫廬弱冠求仕童

髻獻謨甘羅乘軫子奇剖符英英終賈高論雲衢拔白  
就黑此自在吾白髮臨拔瞋目號呼何我之冤何子之  
誤甘羅自以辨慧見稱不以綠髮而名著賈生自以良  
才見異不以烏鬢而見舉聞之先民國用老成二老歸  
周周道肅清四皓佐漢漢德光明何必去我然後要榮  
咨爾白髮事故有以爾之所言非不有理曩貴耆老今  
薄舊齒皤皤祭期皓首田里雖有二毛河清難俟隨時  
之變見歎孔子髮乃辭盡誓以固窮昔臨王顏今從飛

蓬髮膚至昵尚不克終聊用擬辭比之國風

九華扇賦

曹植

昔吾先君常侍得幸漢桓帝帝賜方竹扇不方不圓其中結成文名曰九華其辭曰

有神區之名竹生不周之高岑對綠水之素波背玄澗之重深體虛暢以立幹播翠葉以成秋形五離而九折茂釐解而縷分效虬龍之蜿蜒蟬法虹霓之氤氲因形致

好不常厥儀方不應矩圓不中規隨皓腕以徐轉發惠風之寒微時氣清以方厲紛飄動兮綺紈


迷迭香賦

曹植

播西都之麗草兮應青春而凝暉流翠葉于纖柯兮結微根於丹墀信繁華之速實兮弗見彫於嚴霜芳暮秋之幽蘭兮麗崑崙之英芝既經時而收采兮遂幽殺以增芳去枝葉而持御兮入綃縠之霧裳附玉體以行止



兮順微風而舒光



文選補遺卷三十三